

# EMBASSY OF THE UNITED STATES OF AMERICA

## PUBLIC AFFAIRS SECTION

TEL: 880-2-883-7150-4

FAX: 880-2-9881677, 9885688

E-MAIL: [DhakaPA@state.gov](mailto:DhakaPA@state.gov)

WEBSITE: <http://dhaka.usembassy.gov>



## বাংলাদেশে যুক্তরাষ্ট্রের রাষ্ট্রদূত ড্যান মজীনা'র বক্তব্য

মধুপুর পুনঃবনায়ন প্রকল্প

মধুপুর গড়, টাঙ্গাইল

১৮ই জুলাই, ২০১২

মাননীয় খাদ্য ও দুর্যোগ মন্ত্রী রাজ্জাক

প্রধান বন সংরক্ষক ইউনুস আলী

টাঙ্গাইলের জেলা প্রশাসক বজলুল করিম

আর আপনারা সবাই, বনকে যারা ভালবাসেন এবং বিশেষ করে শত শত স্বেচ্ছাসেবকগণ যারা এই চমৎকার বনকে রক্ষা ও লালন করেন।

আসসালামু আলাইকুম, শাল-নাম, ইয়েশু নারাশং ও শুভ সকাল

কল্পনা করুন যে আপনারা মধুপুর বনের মধ্য দিয়ে হাঁটছেন...

মনে মনেই, উপর নিচে তাকান...

মনে মনেই শুনুন, মনোযোগ দিয়ে শুনুন...

কি দেখছেন? কি শুনছেন?

জীবন, নতুন জীবন...

সৌন্দর্য... সুন্দর বৃক্ষ, ফুল, গাছ, পশু, পাখি... বন্তত এগুলোই জীবন...

...আর এই জীবন চমৎকার; এই জীবন দারণ।

আপনাদের মনে কেমন অনুভূতি হচ্ছে? আমরা যখন এখানে একসঙ্গে বসে মধুপুর জঙ্গল দিয়ে কল্পনায় হেঁটে যাচ্ছি তখন এই মুহূর্তে আপনাদের কি অনুভূতি করছেন?

আমি আশা করছি যে আপনারা গর্ববোধ করছেন...

আপনাদের প্রত্যেকে... আপনারা, যারা এই বনে বসবাস করেন,

আপনারা, সরকারি কর্মকর্তাগণ, যারা বনের ব্যবস্থাপনার দায়িত্বে রয়েছেন,

আপনারা, বন স্বেচ্ছাসেবকগণ, যারা ঈশ্বরের এই চমৎকার উপহার সুরক্ষিত ও সংরক্ষণ করছেন।

আজ বনটি বেঁচে আছে, বড় হচ্ছে এতে আপনাদের প্রত্যেকেই নিশ্চয়ই অত্যন্ত গর্ব বোধ করছেন।

বেআইনীভাবে গাছ কাটা বন্ধ হয়েছে...

সত্যিকার অর্থে, বনে বসবাসরত প্রায় ৫,০০০ পরিবার ১০ লাখেরও বেশি গাছ রোপণ করেছেন...

সত্যিকার অর্থেই, বন বেড়ে উঠছে...

আর বন সমৃদ্ধ হয়ে উঠছে... বুনো মোরগ, বানর, হরিণ সব ফিরে এসেছে...

আর বনের পরিবারগুলোও সমৃদ্ধ হচ্ছে... তাদের এখন নিজস্ব বাগান আছে... তারা উন্নত কৃষি পদ্ধতি ব্যবহার করছে... তারা রান্না করার জন্য এখন এমন চুলি-ব্যবহার করে যাতে কম জ্বালানি খরচ হয়... তারা গবাদিপশু পালন করছে... আর তারা এই চমৎকার বন রক্ষা ও লালন করে অর্থ উপার্জন করছে।

আর বাংলাদেশেরও এতে লাভ হচ্ছে... বাংলাদেশের সামনে সবুজ অরণ্য, বন ও প্রকৃতি সংরক্ষণের চ্যালেঞ্জ বিদ্যমান।

আপনারা, মধুপুরের সুনাগরিকগণ দেখিয়েছেন যে বনের ব্যবস্থাপনা যদি সঠিকভাবে করা হয় এবং তার প্রতি শ্রদ্ধা প্রদর্শন করা হয় তাহলে বনের মানুষ ও বন উভয়ই সমৃদ্ধ হতে পারে...

...আপনারা আসলেও এই জাতি, দক্ষিণ এশিয়া ও পুরো বিশ্বকে দেখিয়েছেন যে কিভাবে মানুষ ও প্রকৃতি পরস্পর লাভজনক উপায়ে পাশাপাশি অবস্থান করতে পারে।

নিজ বনকে এতো ভালোবেসে একসঙ্গে কাজ করে এটাকে রক্ষা করতে এবং বনকে আরো বাড়াতে এগিয়ে আসার জন্য আমি বন অধিদপ্তরকে এবং বনের মানুষদের নেতৃবৃন্দ ও নাগরিকদেরকে অন্তরের অন্তঃঙ্গল থেকে সাধুবাদ জানাই... পাশাপাশি, এ বিষয়টি বনে বসবাসরত মানুষদের নিজ জীবনমান উন্নয়নেও সমর্থ করে তুলেছে।

আপনারা পথ প্রদর্শন করেছেন...

এখন চ্যালেঞ্জটা হলো পুরো বাংলাদেশব্যাপী অন্যরা আপনাদের প্রদর্শিত পথ অনুসরণ করবে।  
বাংলাদেশের অন্যান্য প্রকৃতি ও সৌন্দর্য সংরক্ষণ ও প্রসারে সহায়তার লক্ষ্যে এই চমৎকার দেশের মানুষের ও বাংলাদেশ সরকারের সঙ্গে আমেরিকা অংশীদারিত্ব করায় আমি গর্বিত।

বস্ত্রত, আমরা সরকারের সঙ্গে এদেশের ২৫টিরও বেশি প্রাকৃতিক সংরক্ষিত এলাকায় অংশীদারিত্বে কাজ করছি এবং সেখানেও এই দেশের সৌন্দর্য পুনঃপ্রতিষ্ঠায় অনেক উন্নতি সাধিত হয়েছে।

আজকে এখানে আপনাদের কাছে আসার সুযোগ পেয়ে আমি অত্যন্ত সম্মানিত বোধ করছি, কারণ আপনারাই সেই নায়ক যারা নতুন বাংলাদেশ, সোনার বাংলাদেশকে গড়েছেন ও সংরক্ষণ করছেন।

এই সম্মানের জন্য আপনাদের ধন্যবাদ।

=====

\* বৃক্তার জন্য প্রস্তুত